

**Dissertatio fundamenta valetudinis sistens ... / praeside ... Carolo Linnaeo
... anni MDCCCLVI. Ad publicum examen defert Petrus Engström.**

Contributors

Linné, Carl von, 1707-1778.
Engström, Peter, 1735-1803.
Uppsala universitet.

Publication/Creation

Upsaliae : Exclud. L. M. Höjer, [1756]

Persistent URL

<https://wellcomecollection.org/works/pvc6cgr2>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

D. D.
DISSERTATIO

FUNDAMENTA VALETUDINIS SISTENS,

QUAM,
CONSENSU EXPERIENTISSL. FAC. MEDICÆ
UPSALIENSIS,

PRÆSIDE

VIRO NOBILISSIMO ET EXPERIENTISSIMO,
**DN. Doct. CAROLO
LINNÆO,**

EQUITE AURATO DE STELLA POLARI,
S:Æ R:Æ M:TIS ARCHIATRO,
MED. ET BOTAN. PROFESSORE REG. ET ORD.
ACAD. UPS. HOLMIENS. PETROPOL. BEROL. IMPERIAL.
LONDIN. MONSPEL. TOLOS. FLORENT. SOCIO,
IN AUDITORIO CAROL. MAJ. DIE XVII. JUNII,
ANNI MDCCCLVI.

AD PUBLICUM EXAMEN DEFERT

PETRUS ENGSTRÖM,
DALEKARLUS.
H. A. M. S.

UPSALIAE, Excid. L. M. HØJER, Reg. Acad. Typogr.

S:Æ R:Æ M:TIS
MAGNÆ FIDEI VIRO,
PERILLUSTRI ac GENEROSISSIMO
BARONI ac DOMINO,
D:NO DIDERICO HENN.
MEJENDORF
VON YXKULL,
SUBTRIBUNO Strenuissimo,
Regii Ensiferorum Ordinis EQUITI Splendidissimo,
MÆCENATI MAGNO.

Illa tandem dies illucescit, qua venerabunda mens
Mæcenati suo leviuscum quoddam munus offerre
valet. Beneficia, quibus non solum paternam domum,
sed me etiam cumulasti, *Mecenas Optime*, tanta sunt,
ut ex eorum numero non possim non in maximam
rapi admirationem: hinc tempus faustum & fuit, & e-
rit, quo de Tuо Patrocinio, plane perbenevolo, mihi
gratulari licuit. Permittas ergo, humillime oro, ut
hoc Specimen Academicum illam testetur animi sub-
missionem, quam publice declarandi antea occasio mihi
defult. Etiamsi in referenda gratia nihil proferre va-
leam, pectus tamen debita nunquam carebit observan-
tia, nec Summum Numen, pro perenni Tua incolu-
mitate, piis sollicitare suspiriis desistet. Sic, Te salvo
atque sospite, iniquæ fortis tela haud metuam: sic, Tua
fultus clientela, bonarum artium studia feliciter, uti
spero, cedent. Futurus, dum vixero,

PERILLISTRIS atque GENEROSISSIMI
NOMINIS TUI

cultor devo tissimus,
PETRUS ENGSTRÖM.

S:Æ R:Æ M:TIS
CUBICULARIO,
EQUITI de Regio Ensifero Ordine Splendidissimo,
GENERO SO atque NOBILISSIMO
D:no OLAVO ADLERBERG.
Regii Collegii Metallici ADSESSORI,
NOBILISSIMO DOMINO,
D:no JACOBO TERSMEDEN,
PATRONIS MAXIMIS.

Quod exercitium hocce Academicum, tenui licet Mi-
nerva elaboratum, Nobilissimis Nominibus Vestris
consecrare sustineam, non meæ audacie, sed Vestro pror-
sus singulari favori, adscribendum erit. Vester in li-
terarum cultores benevolentia omnibus fere est nota :
mibi vero quam maxime. Si mens mea, summa ab-
undans veneratione, imbecilli non gauderet interprete,
Vestras sane, Nobilissimi Domini, celebrarem laudes :
quum vero nulla polleam facundia, eas tacitus præ-
terebo, atque obtestor, me measque fortunas, in po-
sterum, Vobis semper commendatas habere baud de-
dignemini.

GENERALIS atque NOBILISSIMORUM
NOMINUM VESTRORUM

cultor humillimus,
PETRUS ENGSTRÖM.

BRUKS-PATRONEN vid Ramnes Bruk,
Ådle och Högaktade HERREN,
Herr MAGNUS SCHENSTRÖM,
Min Gunstige GYNNARE.
GROSS-HANDELSMANNEN uti Stockholm,
Herr PETER POMP,
KRONO-BEFALNINGSMANNEN,
Herr ZACHARIAS POMP,
Mine Högtårade K. MORBRÖDER.

Den högaktnings jag ständigt hyft för Eder Herr Bruks-Patron, och Mine k. Morbröder uti mitt sinne, kan omöjeligen längre döljas; tillägnas derföre Eder dessa blad och beder, at de måtte få uttolka min årkånsambet, emot Eder Gunst och bevågna sinnelag. Vore min förmåga större, sluppen J icke beröm; eburu jag vet, at Edert ådelmod ej tål det förtientaste. Tillåten mig dock, Herr Bruks-Patron och Mine k. Morbröder, at, när jag på detta papperet afskildrar Grunderna till vår hälsa, åfven få önska Eder mycken lätt därav. Lefven så sälle, som min vördnad är och skall vara oföränderlig; då skall Eder hvarken fattas lycksalighet, eller mig tillfälle, at förtiena namnet af

Ådle och Högaktade Herr BRUKS-PATRONS
Så ock
Mine Högtårade Kåre MORBRÖDERS

ödmjuket tienare;
PETER ENGSTRÖM.



D. D.

§. I.

Infolens quidem multis videtur, ejusdem ætatis vitæque rationis homines, & quâ vitam & quâ sanitatem, diversa adeo experiri fata atque vicissitudines, ut unus, formæ speciotæ dignitate atque vegetis pollens viribus, in ipso ætatis flore marcescat duræque mortis inclemens inopinato abripiatur; alter vero ad extremam usque senectutem annos perducat. Mira inquam, hæc sunt: at multo tamen magis a naturæ ordine abludere videtur, corporis robore quam maxime firmatos, prius multo quam infirmos morbis sæpe succumbere, adeo ut lauberrimus quisquam minimo morbi impetu valetudinis jacturam faciat, dum imbellis quidam vel gravissima preferre potest vitæ discrimina, quasi vita ipsa firmiori multo vinculo corpori ejus nexa esset. Hæc, maximis involuta difficultatibus, naturæ phænomena

A

na

na ut explicit, cœca regi fatorum vice unius cuiusque ætatem, tempusque vivendi certum unicuique designatum esse, cuius extra circulos vagari nemini licet, quos nec intemperantia turbari, nec rigide servata diæta promoveri posse, erronee admodum credunt quam plurimi. Aliam vero melioremque ingrediuntur viam sapientiores, qui mirandam hanc naturæ varietatem humani corporis naturæ tribuunt, quæ apud nonnullos firmiore, apud alios debiliore est indole: quæ vero hæc natura sit & unde originem suam ducat, haud considerant. Itaque mecum constitui, paucis allatis observationibus, Naturæ variam circa microcosmum nostrum indolem, quantum per injunctam brevitatem fieri poterit, explicatam Naturæ curiosis tradere.

§ II.

NATURA illa est lex, quam summus omnium Architectus rebus creatis indidit, secundum quam generantur, conservantur atque ad suos fines destinantur in mundo omnia, ut cuncta secundum DEI sapientissime institutam ordinationem in creatione, durant atque existentiam suam continuent. Plura hac in re investigare non valemus, cum ob angustos persipientiæ nostræ limites, tum ob abdita naturæ mysteria, etsi quædam vestigia ordinis, creaturis insiti, videre nobis videamus, quæ tamen æque nobis sunt imperscrutabilia, ac ille, quem Deus secutus est, omnes res condendi, modus.

§. III.

Humanum corpus mirifica omnino gaudet stru-
ctura

Etura atque ex variis fibris compositione, quæ connexæ quasi & consutæ membranas, canales, musculos, &c., quibus coagmentata est nostra machina, formant, clementa vero non æque fortiter in singulis combinata esse, quilibet, qui accuratius Naturam pensitat, inveniet. Mentem nostram clarius hac in re ut exponamus, humanam machinam cum Textura comparabimus, quam lanificas Parcas vel firmioribus vel tenuioribus contextile filis fabulatur antiquitas, quamque cum annis tandem conteri videmus. Eadem est ratio corporis humani, quod, dissimili bus compactum filis, haud pari modo diuturnum violentumque usum perpeti potest. Ulterius corpus nostrum haud incongrue assimilatur telæ, duplii filorum genere compositæ, nervis nimirum, qui ipsum texturæ stamen constituunt, & fibris, quæ intertextum, inter stamina implicatum, efficiunt; hoc si fuerit firmissimum, illud vero tenue, haud longo usu subteritur tela. Corporis humani nervi sunt ipsa virium stamina; fibræ autem stamina vitæ constituunt. Viribus exhaustus & languidus eam ob causam ætatem diu prorogare potest, quod ejus sistema Nervosum bene sit constitutum; at ideo tamen muscularum roboris atque soliditatis expers est quam sæpiissime: contra, qui compacto fibrarum systemate gaudet, virium vitalium defectu laborare atque, levavi quadam morbi motiuncula tentatus, haud raro opprimi atque consumi potest. Hujus rei causam qui invenire vult, primum texturæ corporis fundementum atque compositionem adeat, cuius initium

in generatione reperitur, finis vero in adolescentia. Perdifficilis enim quæstio Physiologos adhuc torquet, an plures fibræ in adulto generentur, quam quæ in embryone sunt. Crescunt quidem justumque temporis spatiū requirunt, ut longitudinem suam, & forte crassitudinem, consequantur; &, licet homo, postquam ad debitam staturæ proceritatem excrevit, crassificat, opinamur tamen fibrarum interstitia potius repleri, quam eas incrementa quodam modo capere. Eum itaque jure meritoque felicem & vere nobilem appellamus, qui integer natus est, quapropter cum nos tum etiam Germani nobilem per wälboten & wohlgeburen explicamus.

Duo *fundamenta* vitæ & ruboris unius cuiusque hominis ponimus: unum in ipsa generatione, alterum in adolescentia. In generatione imprimis sistema nervosum, sub adolescentia sistema fibrosum constituitur, quæ duo diversam heic postulant considerationem.

§. IV.

In ipso matris ovo prima vitæ stamina delitescunt, quæ per GENERATIONEM, inæquali vero vi, suscitantur. Ol servavit quondam Bradlæus, dum polline staminum floris Quercini fortiter aspergebat fœcundabatque ejusdem arboris pistilla, glandes post hac non modo majores aliis ejusdem arboris fieri, sed & satas multo & solito largius crescere. Natura, qvum unum eundemque Auctorem atque Fundatorem agnoscat, sui semper similis est; ejus intuentes varias vias, ad unam tendere veritatem omnes, comperimus. Infantes

aut

aut senectute langvidis aut morbo debilitatis procreati parentibus, infirmi imbellesque evadunt plerumque. Summus *Boerhavius* signa futura optimæ sanitatis in *institutionibus suis Medicis* §. 885 tradens, palmariam hujus causam ipsi generationi rectissime adscribit: *Conceptus, inquit, ex parentibus Sanis, Vegetis, Plenæ ætatis, Rara, sed Fervida venere utentibus, matutino tempore post perfectam a somno coctionem, tempestate verna, imprimis & salubri.* Illi, quibus a genitoribus sanis & ætatis maturo flore vegetoque robore nasci, contingit, robustissimi evasere: sic fortis a fortibus procreantur. Hanc sententiam exemplo firmat Nob. *Hallerus* in *Comment. ad § supra citatam Boerhavii, Tom. 6. pag. 267*: *In Gallia, ait, homines ex furtiva venere geniti (enfans d'amour) vulgo robustiores habentur, præ illis, qui ex officio nati sunt; cum venus perpetuo quæsita, sed raro inventa, fervidior sit.* Natura ipsa, ut se conservet, anxie laborans, perspicua hujus rei nobis monstrat vestigia. Ad œconomiam animalium si attendimus, appareat, causam illius dissimilitudinis, quam inter eorum fœtus esse deprehendimus, in genitorum indole totam fere latere. Hinc *Horatius*: *Est in juvencis, est in equis patrum virtus: nec imbellem feroces progenerant aquilæ columbam.* Vulgo optime notum est, non adeo vegetos grandesque fœtus a non adultis jumentis & pecudibus progigni, ac ab illis, quæ justam ætatem viriumque firmitudinem consecutæ fuere; hinc vidimus, vitulos agnellosque, quos matres graciliores & primiparæ pariunt, debiliores fieri, ideoque, ut minus vitales, segregantur & ma-

Etantur

stantur ab oeconomis. In unaquaque fere regione populi globum atque multitudinem constituunt ruricola, qui que terram variis modis colunt. Hi, dum uxorem ducunt, suum sequuntur genium, nec opes anxie querunt, nec multis procis petitam Helenam, non nobiles atavorum imagines, sed maturam robustamque quandam virginem sibi poscunt, quæ, laborei adiusta, desiderata in illis opem ferre potest. Opulentiorum vero molles atque delicatulae filiae, licet morbis fere consumtae a luxoriosa ambiuntur procurum, valetudinariorum forte, turba, milleque amantum suspiriis praecibusque expetuntur. Illi foetus corporis firmitate cæteros præstant, qui genitura nascentur consistente nec debili, quæ saepissime absortetur atque secernitur; unde fervens igneaque venus redditur. Contra adolescens, libidinosa juventute & pollutionibus siphiliticis enervis, amissam genituras vim vix recuperat, & jugali tandem thalamo junctus, intemperantius assidueque cultæ veneris pœnas dat, liberique ejus *miseri pulli* fiunt *infelicibus nati ovis*. Hanc ob rem haud infrequenter evenit, ut opulentiorum familiis fatale adeo exitium immineat, ut penitus interdum extirpentur. Medici Angli, infantes *Rachiticos*, a parentibus, nimia venere exhaustis nasci, existimant. Id tam verum est, quam quod verissimum, multos morbos, per generationem propagatos hæreditarios fieri: Ut.

Qui viret in foliis, venit e radicibus humor;
Sic patrum in natos abeunt cum semine morbi.

Observat quoque Hoffmannus, a Maniacis, ipso sub

sub paroxysmo procreatos liberos, maniacos quoque fieri, non vero extra paroxysmum; & pariter epilepticorum filios vel nepotes, mox ab insultu paroxysmi conceptos, horrendo isto morbo immunes nasci, non autem paulo ante eandem. Virum quendam novimus a Colica saepissime vexatum, cuius paroxysmus cum uxoris consuetudine mitigabatur; duo vero ejus liberi, colicis tormentibus afflitti, diem obierunt supremum. Alius quidam nobis succurrit, a matre natus diuturno dentium vexata dolore, cuius prognati nepotesque prematura odontalgia confabantur. *Heftica, Arthritis, Calculus* a parentibus in liberos trasmittuntur: nam.

*Mulæ pater materque valent infundere natis,
Transit & in heri jura nepotis avus.*

Et quum summus rerum Conditor, homines hilares esse voluerit, lætam jucundamque illis venerem indidit, non vero ira ferventum, ut teris quibusdam immanissimis. Verbo: universa natura eo in puncto conspirat, quod illi foetus, qui maturo & fervente veneris usu generantur, cum vitae viribus tum etiam generositate præcellentes fieri; quare equorum præfecti equos admissarios includunt, ne nimia vene re exhausti reddantur, ut postea admissi, valentiorem edant progeniem. De antiquis Germanis, qui fortitudine ceteras gentes præminebant, refert Tacitus, eos sera & matura usos fuisse venere. Lex Ceremonialis, præter nobiliorem, quem habebat finem, in Natura quoque ipsa fundata erat, ut ex præceptis illis diæticis, quæ in eo continentur patet, & ex pri-
mogeniis,

mogenitorum prærogativis. Itaque prima stabilimenta vitæ humanæ ipsa in generatione conduntur.

§. V.

Secundum roboris fundamentum in ADOLESCENTIA ponitur. Primum vitæ humanæ stadium in UTERO est, ubi embryones secundum matris diætam formantur, Si mater *cibo* utatur saginante nimium crescit fœtus; grida, quæ laetè vescitur, grandem adeo sæpe infantem gestat, ut maximo cum vitæ periculo eum eniti possit; quam ob caussam Medicis mulieres hortantur, ut sub gravitatis statu a nutrimentis ex laetè confectis sese abstineant, contra vero si amaris, austoris ac fortibus deditæ sunt potionibus, vel si morbo quodam sunt implicitæ, infantes imbecilles atque graciles pariunt. Uterum ferens femina, quæ diuturno justoque corporis *motu* utitur, labore longe valentiores edit gnatos, quam quæ vita delestatur sedentaria; unde etiam accidit, ut liberi Nobilium debiliores plerumque sint. Lappones, immanes barbaræque Americanæ Nationes uxoribus suis svadent, ut leni semper at crebro tamen labore futurum partum faciliorem reddant. Nimius Matris *somnus* magnos mollesque, exiguis vero parvos ac macilentos infantes efficit. Embryonem matris sub graviditate *venere* debilitari, plerosque abortus hinc originem trahere, haud incerto nixi fundamento, credimus. Eo tempore, quo fœtus utero fovent animalia, nunquam marem admittunt: Si vero hoc fieret, abortum plerumque faciunt,

cujus

cujus rei Equæ exemplum præbent. Matris *animi commotiones* fœtibus multa damna adferunt, ut potest epilepsiam, distortiones, & infantes adhuc non editos necant, qua de re Medicorum observationes multa nobis referunt.

§. VI.

Alterum stadium, in quo adolescit homo; est LACTANTIA, seu tempus quo genetricis ubera natu's fugit. Valetudo enixi fœtus tum quoque a matris diæta pendet. Infans, qui laete vescitur materno, eodem ex fonte bibit, qui alimentum in utero delitescenti large subministravit. Novercantium nutricum & *animi* & corporis qualitates cum lacte ipso ita parvulis infunduntur, ut, si haec hilares & animosæ sint, illi læti vigoreque prædicti evadant: si vero haec tristiori & in iram proclivo animo sint, illi eandem quoque mentem consequantur. Iracundarum nutricum bilis si forte commoveatur, convulsiones non raro sentiunt lactantes: si vini combusti justo plus appetentiores fuerint ubera præbentes, infans aut macie contabescit aut moritur: si salsum comedant cibum, scorbuto inficitur: qui prius infantis dentes consumit, quam radices egerint. Si mater vitæ /edentariæ dedita sit, acido spontaneo in primis viis cum fæcibus viridibus, torminibus, convulsionibus infestatur recens natus. Cum genetrix intempestivam Venerem colit, lac mutationem subit, & infans inde multum capit detrimenti. Ex his omnibus appareat, prolis valetudini maxime conducere, ut mater temperantium in vivendi ratione accurate servet.

§. VII.

PUERITIA tertium stadium constituit. Tum
 maxime opus est, ut bene nutriatur puer. Intesti-
 na ejus adeo sunt tenera, ut magnam cibi copiam,
 una vice deglutitam, non queant concoquere; poscunt
 tamen creba nutrimenta. Homo hac in ætate consti-
 tutus, pulli est instar gallinacei, qui, postquam co-
 medit, iterum mox cibum appetit. Hoc tempore si
 premuntur fame, lente admodum crescunt: acrio-
 ra ciborum genera illis sunt deneganda, qvum fibræ
 debiles tum maxime sint. Si acriis quædam tinctu-
 ra vulneri oris, tempore sub sanationis, instillatur,
 tenella fibrarum stamina contrahuntur, quo fit, ut
 vulnus, magna cicatrice, obducatur. Illi, quibus
 potos vini combusti intempestive conceditur, pusilli
 fiunt atque macecenti. Hoc experimento, cum ca-
 niculis instituto, satis probatur, qui si hoc liquore ob-
 linantur, adeo parvi fiunt, ut in feminarum gremiis
 commode gestari possint. Mauros olim graciles,
 Gallos vero proceros fuisse, testantur Historici: jam
 qvum illis Mahometana religio vini usum interdixe-
 rit, illic vero sit concessus, Mauri Gallos, conspicua
 statura, multum superant. Porro puerulo, sub dio
 obambulandi, currendi que venia non denegetur; a-
 llas enim accidit, ut colli glandulæ intumescant, caput
 totumque corpus Scabie infestetur; huic si licetum non
 sit, ut calido frigidoque aëre se adsvescat, tempestatis
 vicissitudines haud patitur, & febribus & morbis catar-
 rhalibus facile sit obnoxius. Qvum motu teste A vicenna,
 membrum magnificat, haud difficile inveniri potest
 causa,

causa, cur liberi rusticorum valentioribus polleant
 membris, quam Nobilium opulentiorumque. Hæc
 a corporis crebra exercitatione tota fere dependet,
 quapropter ita Hoffmannus: *populi, inquit, septen-*
trionales, qui a teneris annis frigoris & caloris repen-
tinas mutationes sustinere coacti, minus in morbos pro-
labuntur, & facilius ex iis convalescunt. Somnus, pue-
 rulis ad vires recreandas, sufficiens esse omnino de-
 bet, etenim pastu acquisita, atque corporis exer-
 citatione digesta, alimenta, machinæ nostræ per som-
 num applicantur. Qvum satis constet fœtum in ma-
 terno utero semper dormientem brevi mirum in mo-
 dum crescere, intantemque mox post lactationem
 sopore naturaliter capi, puero quoque somnus &
 quies concedatur, necesse est; si autem aliter fiat,
 staturæ ejus incrementum impeditur, & macilentus,
 debilis redditur atque stupidus. Subito admodum
 animi puerorum commoventur, qvum nervi a fibris
 adhuc justum non consequti sunt robur atque fulci-
 mentum; & quemadmodum eorum lætitia haud mo-
 dica est, dolor quoque & luctus est acerbior. Si ac-
 ciderit, ut subitaneus illis terror incutiatur, sæpiissi-
 me ex vehementi hac animi perturbatione Polypi na-
 scuntur, qui ex eorum demum extispiciis manifesti
 fiunt. Difficilioribus rebus, quæ eorum nervos ju-
 sto maturius intendunt, sicrucentur, ingenium ju-
 diciumque præcox, ac tandem stupidum, evadit. I-
 taque illis, qui in tenero ætatis flore sunt, debitum a
 curis gravioribusque solicitudinibus otium dan-
 dum est.

§. VIII.

ADOLESCENTIA est vitæ stadium, in quo homo pueritiæ larvam exuit, telamque corporis sui pertexit. Jam fugienda est præcox *venus*, quæ & nervosum systema & fibrosum debilitat; inde enim artuum tremor, anorexia, oculi debiles, vertigo, stupiditas. Jam maxime interest in vasis conservare olea, quæ senectutem sanam vegetamque reddunt: *libidinosa enim intemperans adolescentia effætum corpus tradit senectuti.* Cic. de senect. c. 9. Et quamdiu serva venus veteribus Germanis, tamdiu eorum juventus fuit inexhausta, teste Tacito. Et quando eusarcos monachos in summo senio hilariter quasi florescentes interrogamus, quibus potissimum remediis factum fuerit, ut sanitatem in seros annos conservarint, servavimus oleum, respondent. Adolescentiæ flos semel amissus, nunquam redditur artis ope; formosaque species, animi corporisque vigor, ex quo ingenii judiciique vires pendent, perit.

§. IX.

Est hoc tempus, quo *Helluationes* vecordes & licentiosos homines *omnes* delestant, quo compotationibus in seras usque noctes dediti sunt quam maxime, quo intemperantiæ se aliquando affectum iri poenis vix credunt; erit tamen infastus dies, quo hæc, in corpus injuriæ, atque violentiæ, Naturæ coram tribunal vocabuntur, gravique pleentur damno. Itaque maxima danda est opera, ut calidioribus spirituosisque potibus, adolescenti imprimis ætate, abstineamus. Non opus est, ut oleum igni addamus. Jam adolescens & labori & otio est astutus: jam animi corpo-

corporisque artes exerceat, justaque illi concedatur quies: jam in salubri versetur aëre ac habitaculis non nimium angustis: jam jucunda, lætis cum amicis, fruatur consuetudine, quo fiet, ut iners cibus, sine arte mensa, tenuis potus, tranquillus somnus, motus interruptus, castitas & familiarium grata conversatio, ætate stabiendi roboris ultima ponant fundamenta. Et postquam, hanc sequens vivendi rationem felicititer adolevit, quid firmatum ejus judicium valet, demum experiatur, ingeniique sui, quantum fieri potest, intendat nervos: & acquisita corporis justa statura, majora nobilioraque animi meditamenta sedulo sectetur noster adolescens: aut tum, aut nunquam.

§. X.

Diæta, sic firmis nixa experimentis, ad duo valetudinis dicit principia, quorum prius nervis, Vitales, posterius, solidis cum fluidis, Naturales effientibus functiones, continetur. Hæ per diætam sustentantur functiones: quarum Vitales ægre corringtonuntur; facile vero, vita nimia, vigiliis, animi passionibus, lucubrationibus, compotationibus spirituosis, debilitantur. Naturales, ut motu & alimento corroborantur, ita quiete labefactantur & inedia. Hæ ut sartæ, apud nobiliora animalia, serventur atque integræ, duos custodes, odorem nimirum & saporem, præsertim circa ingerenda,
Natura posuit.

S. D. G.

Min HERRE.

Kroppens hålsa är ett ibland det nyttigaste och uödligaste
en Menniskia kan åga. Låran om dess rätta skidt-
sell, förvårvas ej utan årfarenhet uti låkarekonsten.
I, Min HERRE, gifven nu främ i dagsliuset Grun-
derna till Hålsan och visen härmed, det I på rätta
grundpelare hafven bygdt det vett, som pryder Eder,
och hvarigenom I liksom viljen förbinda andra, at följa,
hvad I här omordar. Min HERRE tron icke, det E-
dre Vänner på något fått misunna allmenheten kundskap
om Edre Egenskaper, hvilken varit bittils ett enskildt
nöje för dem; utan varen försäkrad der om, att vi
fågna oss öfver en så stor Eder skickelighet, som vi och
kunna giöra oss såkert hopp om Eder hjelp i framti-
den. Min glädje at fornimma Eder välgång skall altid
fordubblas så mycket mera, som jag länge haft den för-
mon at räknas ibland Edra förtrognaste. Vore allenast
min förmågo större, än min välmening, blefve inga til-
fället nog tilräckelige at å daga lägga med hvad våu-
skap jag lefver

Min HERRES

Tilgifne Tjenare,
JOHAN DANIEL MENLÖS.